

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA DOBOJ JUG
OPĆINSKI NAČELNIK**

Broj:02-11-1278-1/22

Dana,07.11.2022.godine

Na osnovu člana 3.stav 2. Odluke o raspodjeli novčanih sredstava za sufinansiranje dijela troškova liječenja neplodnosti postupcima biomedicinski potpomognute oplodnje u 2022.godini broj:01-04-1199-10/22 od 25.10.2022.godine i člana 37. Statuta općine Doboj Jug („Službeni glasnik općine Doboj Jug“, broj:03/08, 01/12 i 02/13) Općinski načelnik općine Doboj Jug objavljuje

JAVNI OGLAS

za podnošenje zahtjeva za dodjelu jednokratne novčane pomoći u svrhu sufinansiranja dijela troškova liječenja neplodnosti postupcima biomedicinski potpomognute oplodnje u 2022.godini

I

Predmet Javnog oglasa je dodjela jednokratne novčane pomoći u svrhu sufinansiranja dijela troškova liječenja neplodnosti postupcima biomedicinski potpomognute oplodnje u visini iznosa razlike između cijena usluga postupka biomedicinski potpomognute oplodnje i sredstava koje refundira Zavod zdravstvenog osiguranja Zeničko-dobojskog kantona u 2022.godini.

II

Sredstva za realizaciju ovog Javnog oglasa utvrđena su u budžetu Općine Doboj Jug za 2022.godinu, pozicija 614231- MEDICINSKI POTPOMOGNUTA OPLODNJA, u visini od 6.000,00 KM.

III

Pravo na dodjelu **jednokratne pomoći** može se ostvariti pod uvjetom:

- da su podnosilac zahtjeva-žena i muškarac punoljetni i poslovno sposobni,
- da je žena-podnosilac zahtjeva u bračnoj ili vanbračnoj zajednici najmanje 2 /dvije/ godine prije početka postupka liječenja neplodnosti postupcima biomedicinski potpomognute oplodnje;
- da oba bračna ili vanbračna partnera imaju prebivalište na području općine Doboj Jug najmanje 3 /tri/ godine prije početka liječenja neplodnosti postupcima biomedicinski potpomognute oplodnje;
- da žena može samo roditi postupkom biomedicinski potpomognute oplodnje;
- da žena u vrijeme podnošenja zahtjeva nema više od 43 godine života,
- da ovo pravo podnosilac zahtjeva-žena nije koristila u 2021.godini.

IV

Visina i način isplate jednokratne novčane pomoći utvrditi će se posebnom Odlukom Općinskog načelnika u zavisnosti od broja podnesenih prijava a sve u skladu sa planiranim budžetskim sredstvima iz člana II. ovog Javnog oglasa.

V

Zainteresovani lica na propisanom obrascu zahtjeva, koji se može preuzeti sa web stranice Općine Doboj Jug i na Info pultu Općine Doboj Jug, sa kratkim opisom razloga njegovog podnošenja prilažu slijedeće dokaze:

- a) Uvjerenje o prebivalištu oba partnera (PB3 obrazac)
- b) Uvjerenje o kretanju za oba partnera (ukoliko se iz lične karte ne može utvrditi da imaju prebivalište na području općine Doboj Jug u trajanju od najmanje 3 (tri) godine prije podnošenja zahtjeva za priznavanje prava);
- c) Ovjerena izjava o zajedničkom domaćinstvu;
- d) Izvod iz matične knjige vjenčanih ili ovjerena izjava oba partnera data pod punom materijalnom i krivičnom odgovornošću o postojanju vanbračne zajednice u smislu člana 3. Porodičnog zakona FBiH;
- e) Nalaz i dokazi za liječenje neplodnosti metodama vantjelesne oplodnje izdat od nadležne ginekološko-akušerske klinike ili specijalista ginekologije koji se bave humanom reprodukcijom u javnoj ili privatnoj ovlaštenoj zdravstvenoj ustanovi koje imaju dozvolu za rad izdatu od federalnog ministra;
- f) Odluka ili drugi akt Zavod zdravstvenog osiguranja Zeničko-dobojskog kantona o refundaciji sredstava od cijene usluga postupka biomedicinski potpomognute oplodnje;
- g) Račun ili predračun troškova postupka biomedicinski potpomognute oplodnje izdat u 2021./2022.godini od strane zdravstvene ustanove koja provodi tu uslugu;
- h) Tekući račun podnosioca zahtjeva.

VI

U skladu sa raspisanim Javnim oglasom Općinski načelnik imenovati će tročlanu Komisiju koja će izvršiti uvid u podnesene zahtjeve, te na osnovu dostavljene dokumentacije i činjeničnog stanja sačiniti prijedlog Općinskom načelniku o odabiru korisnika jednokratne novčane pomoći u svrhu sufinansiranja dijela troškova liječenja neplodnosti postupcima biomedicinski potpomognute oplodnje u visini iznosa razlike između cijena usluga postupka biomedicinski potpomognute trudnoće i sredstava koje refundira Zavod zdravstvenog osiguranja Zeničko-dobojskog kantona u 2022.godini.

VII

Na osnovu prijedloga Komisije te Odluke iz člana IV. ovog Javnog oglasa, Općinski načelnik donijeti će rješenja o odobravanju ili odbijanju zahtjeva na novčanu pomoć.

VIII

Javni oglas biti će objavljen na oglasnoj tabli Općine Doboj Jug, službenoj web stranici Općine Doboj Jug i oglasnim mjestima na području Općine.

IX

Zahtjeve na Javni oglas sa potrebnom dokumentacijom kandidati dostavljaju u zatvorenoj koverti na adresu OPĆINA DOBOJ JUG , OPĆINSKI NAČELNIK sa naznakom „**Javni oglas za pomoć u liječnju biomedicinski potpomognute trudnoće**“ putem protokola općine Doboj Jug.

Javni oglas ostaje otvoren 30 dana od dana objavljivanja.

Nepotpuni, neblagovremeni i neuredni zahtjevi neće biti uzeti u razmatranje.

OPĆINSKI NAČELNIK

Mirnes Tukić, dipl.ecc